

сонымен бірге Фирдоуси туындысын түркі халықтарына кең көлемде жеткізе білгендігімен де ерекшеленеді. Сондыктан да мұндай асыл мұра белгілі кітапханалардың көне қолжазбалар мен сирек кітаптар бөлімдерінде белгісіз болып жатпай, қайта жарыққа шықса, тек казақ-иран әдеби байланыстарының ғана емес, сонымен бірге парсы және түркі халықтарының шынайы рухани достығына айналатыны ешбір құмән туғызбайды.

\*\*\*

1. Конрад Н. Запад и Восток.- Москва: Наука, 1972. – 496 с.
2. Бертельс Е. Суфизм и суфийская литература. - Москва: Наука, 1965. – 523 с.
3. Наджип Е. Культура и тюркоязычные мамлюкского

Египта XIV века. -Түркестан: Туран, 2004. – 291 с.

4. Құмісбаев Ә. Абай және Шығыс. -Алматы: әл-Фараїб ат. ҚазМУ, 1995. – 342 б.; Құмісбаев Ә. Терең тамырлар. Алматы: Ғылым, 1994. – 320 б.

5. Zajaszkowski A. Turecka wersja Sah-name z Egiptu Mameluckiego// Prace Orientalistyczne. -Warszawa, 1965. T. XV.

\*\*\*

В этой статье делается анализ казахских переводов произведения иранского писателя Фирдоуси «Шахнаме», а так же рассматривается версия переводов появленных в далеком в XV-м веке.

\*\*\*

This article analyzes the kazakh translations of “Shahname” Firdowski. First translations of this work were made in XV century

## Ж.О. Мәмбетов

### МАХАМБЕТ ПЕН БАЙРОН ЛИРИКАЛАРЫНДАҒЫ АҚЫНДЫҚ «МЕН»

(Шығыс және батыс әдеби байланыстардың негізінде)

«Мені» мен менікінің айырылғанының  
Олді деп ат қойыпты өңкей білмес...»

Абай.

...Айтарын ашып айтқан абайламай,  
Па, шіркін Махамбеттер, Абайлар-ай!...

«...Кто из современной молодежи ломает голову над чтением «Евгений Онегина» Пушкина, или «Чайльдом Гарольда» Байрона? Едва ли найдется. Я сомневаюсь, хватит ли терпения у них прочесть до конца Лермонтовского «Демона». Нынешнее поколение живет сегодняшним днем. Для них жизнь не театр, а мимолётная эстрада. Они в чудеса не верят, для них ничто не чуждо, у них вкусы не меняются. Им чужды мне кажется, глубокая мысль, познания себя и других» /1, 42/. Жоғарыда келтіріліп откен ойлардың астарына үңіліп, ар жағында не жатқандығын үғынып көрсек деймін. Рас, қазіргі жастардың көбі қазак әдебиетінің ауылынан алысқа ұзап, әлем әдебиетінің көкжиектеріне көз тігуге көп жағдайда көңіл бөле бермейді. Әдебиет ешқашан тоқтамайтын, үздіксіз дамып отыратын процесс. Қай заманда, қай қоғамда, қай ұлтта болса да әдебиеттің жоғын жоқтаушы ақын не қаламгер ең алдымен өзі өмір сүрген дәуір болмысын қара сөздің қалыбына құйып отырған. Солардан қалған әдеби мұраны оқып, танысып, талғампаздықпен сын айтып, төлтума әдебиетімізбен басқа халықтар әдебиетінің өсу, өркендеу, күнделікті тыныс-тіршілігін жіті қадағалап отыруға біздің бара алмай жургені-мізді мойындау қажет. Ал «әдебиет – ардың

ісі», қолында бардың ісі емес екендігін түйсініп, мұратын айқындаған Мұқағали ағамыздың келешек үрпақ туралы айтқан жаңағы ойының жаны бар секілді.

Менінше әдебиет ұлтқа, тілге бөлінгенімен, оның мұрат-мақсаты біреу-ақ, ол - әр дәуір, әр қоғамның ажарын еш боямасыз, жарқырата ашып беру. Сол замана тудырған туындыларды оқып-танысып шыққанымызбен, оған ғылыми түрғыда саралап бага беруге шорқақтық танытатынымыз тағы бар. Ғылымшылдық деп отырганымыз бір ғана ұлттың әдебиетінің шеңберінен шықпай жүріп алу емес, біздің әдебиетіміз секілді планетамызды мекендеуші сан мындаған халықтар, ұлттар әдебиетімен салыстыру, сюжеттік, идеялық ұқсастықтар іздеу, тәжірибе алмасу.

Біздің тақырыбымызға арқау болып отырған екі ақын Махамбет Өтемісұлы мен Джорж Байрон шығармаларын салыстырып, ұлттық сипатын ерекшелеп, ортақ мұратын айқындаپ алу да салыстырмалы әдебиеттану ғылымының еншісіндегі іс. Тілге тиек болған әдебиет өкілдері жайлы бізге дейін жазылған көлемді зерттеу еңбектері бар шығар, бірақ біз оларды өзімізше тануға, талдауға тәуекел еттік. Біздің қарастырмак тақырыбымыз «Махамбет пен Байрон лирикаларындағы ақындық «мен»

мәселесі. Бұл жерде Абай айтқан «мен» мен «менікіне» тоқталмай кетуге болмайды. Абайдың айтпағы «мені» мен «менікінің» айырылуы - «жан» мен «тәннің» айырылуы. «Мен» - сөзінің астарында «адамның жаңы» жатыр. Ал «ақындық мен» ақынның жаңы, сезімі, ой-дуниесінің көрінісі. «Мен» әр адамда бар, бірақ «ақындық меннің» жөні басқа.

Мұқағали өз құнделігінде: «Егер бір кездерде менің өмірім, творчеством әлдекімнің көңілін аударса оларға былай дер едім:

- Менің қымбатты достарым! Егер сіздер шынымен менің өміrbаянымды, творчествомды зерттемек болсандар, мен не жазсам соның бәрін түгел оқып шығуды ұмытпағайсыздар. Мен өз өлеңдерімнен бөліп қарамауларынызды өтінемін. Естеріңізде болсын, менің өлеңім жеке тұрғанда түк те емес. Біріктіріп қарағанда ол поэма іспетті. Басы және аяғы бар. Ол кейде күлімдеген, кейде тұңғылған жаңымның құдды дауысындай. Жалған күйініш, жалған махабbat пен қуаныш, өтірік патриотизм және тағы-тағылар поэзияның жаулары. Көшіліктің көңілін аулау үшін, рухыңның ыңғайын табу үшін жазу керек.

Әрбір жазатын адам оқырманды құлдіріп, абыржыта алады (бәрі оның шеберлігіне байланысты), бірақ оның жаңына кіріп, есінде мықтап қалу үшін барынша ашық, сезімтал әрі түсінікті болуы қажет. Кейде қарапайым түсіне билетін көшілік сенің образдарың мен про-образдарынды артқы қатарға ысырып тастанды. Әрбір оқырман көркем шығармадан өзін, өз жаңымның бөлшегін іздейді. Сондықтан мен өзімнің «Менім» арқылы жасырмай жаппай өмірімнің шежіресін жасап шықтым. Жаңымның мұны мен қуанышы – бәрі сонда. Солар басқа жүректерге өз сәулесін түсіру керек деп ойлаймын. Сонымен, достар, бүкіл менің жазғаным бар-жогы бір-ак поэма. Адамның өмірі мен өлімі, қасіреті мен қуанышы туралы поэма. Егер нанбасаңдар, барлық өлеңімді жинап, бір жинаққа топтастырып көріндерші. Естерінде болсын, әрбір өлеңім өз орнында тұрсын. Яғни, жылына және бойына қарай, сонаң соң көз алмай оқындар. Сюжетіне көңіл аудармай-ак қойындар, ал композициясы мен архитектоникасына зер салындаршы. Егер мені содан таппасаңдар, онда ақын болмағаным! /1, 41/ – деп ақынның нәзік те өжет жаңын ұғыну үшін оның жүргегін жарып шыққан «менінің» жаршысы қара өлеңді зерттеу керек екендігін аңғартқандай.

Байрон мен Махамбеттің ақындық «мені» деген мәселені сөз еткенде дәл осы жағдайды дәйек етуге болады, яғни екі ақынның жырларында жан дүниесінің қалтарыстары қалай

ашылғанын зерттеу керек. Махамбет пен Байрон – екі бөлек тұлғалар, бірақ оларды жақындастыратын не нәрсе? Әрине, ол – поэзия. Махамбет шаруалар көтерілісінің басшысы болса, Байрон да Грецияда Миссабон батпағында бостандық үшін қаза тапқан.

Жирмунскийдің «Сравнительное литературоведение» кітабында: «М.Ф. Глардың салыстырмалы әдебиеттандын пәнінен жазған окулығы жайлы Жан-Мари Каре (ірі француз компаративисі) «халықаралық рухани байланыстарды, Байрон мен Пушкин, Гете мен Карлей, В.Скотт пен Винь секілді әр ұлт әдебиетінің өкілдерінің жазушылық өмірі мен рухани талпыныстары арасындағы қатынастарды зерттейді» деп жазған, - деп келтіреді /2, 158/.

Сол секілді қазақ әдебиеті мен ағылшын әдебиеті арасындағы байланыстарды, екі ұлы ақынның болмысын ашуға қадам жасау ешқашан артық болмайды. Жирмунский сол кітабында «Гете мен Байронның «Ты знаешь край?» (Kennst dudas Land – Know you the Land) деген өлеңіне талдау жасап, әйел сұлұлығы Байронда «ғажап» «құдіретті» (Beauty,divene) деген бағалаулармен берілсе, Гете де бұлай суреттеу жоқ. Ол «әрқашан», «ешқашан», «ешкім» деген ұғымдармен береді. Мысалы: «гүлдер әрқашан гүлдейді. Сәулелер әрқашан жарық шашады» (the flowers ever blossom, the beams ever shine) /2, 424/ деп салыстыра талдайды.

Енді тақырыптан ауытқымай, Махамбет пен Байрон туындыларындағы ақындық «меннің» көрініүн салыстырмалы түрде карастырып көрейік.

Мұнда, ауызға алғаш ілігетіні Махамбеттің:  
Мен, мен едім, мен едім,  
Мен Нарында жүргенде,  
Еңіреп жүрген ер едім.  
Исатайдың барында,  
Екі тарлан бөрі едім,

деп басталатын өлеңі. Ақынның азамат ретінде толғаган саяси көзқарасы, бодандықта өмір сүріп жатқан халқына арнауы. Оның жүргегіне шер боп қатқан қасіреті. Өзінің жеке тұлға ретіндегі, батыр әрі ақын ретіндегі жан толқынысы. Оның өмірінің қызын бір кезені туралы толғауы. Осы өлеңмен салыстыру үшін тағы бір өлеңінің мазмұнына шолу жасап көрелік. Мысалы, «ақынның «Жайықтың бойы көк шалғын» деген өлеңі көңіл күйінің өзгеше қалпын суреттейді.

Жайықтың бойы көк шалғын –  
Күзөрміз де жайлармыз.  
Күлісті сынды күренді  
Күдірейтіп құнде байлармыз.  
Құдай істі ондаса,

Ісім жөнге келгенше  
Қаумалаған көп дүшпанды  
Әл де болса койдай қырып айдармыз!

- деп шалқаяды ақын» деп ақынның жаудан қайтпас қайсарлығына сүйсінгендей болады. Махамбеттің жырлары қазақтың мол өлең қазынасында тек сұлулығымен ғана емес, қызулығымен, қып түсер еткірлігімен ерекше түрган дүние. Ол да жаудың басына қара бұлттай қатер төндіре, дауыл алдында саңқылдаған дауылпаздай. Халықтың азаттығы, тендігі жолында ақ наизасымен де, азаткер асқақ жырымен де нағыз азаматша орасан үлкен қызмет еткен, осы жолда қасық қанын қиған Махамбет Өтемісов осындай адам еді» /3, 13/. Себебі Ұлы адамдар артта қалған адамзатпен өмір сүре алмайды /4, 15/ деген ақынның қоршаган ортага, айналға деген көзқарасы, еркіндікті қалаған жан-дүниесінің көрінісі беріледі. Иә, Махамбеттің де, Байронның да тағдыры - «қын да сұлу тағдыр». Олардың «менін» оятып, әділетсіз озбыр қогамға жырларымен базына айтқызған, Хемингуей айтқандай, «адам жүрегінде жаппай соғыстың басталуы». Махамбеттің Байроннан бір ерекшелігі – оның лирикаларында махаббат, сезім тақырыптары көтерілмейді. Себебі ішкі нәзік сезімді өлең арқылы жырлау, жеке басқа катысты мәселені сөз ету жауынгер жырауларда дәстүр болмаған. Ол - қазақ дүниетанымында осалдықтың белгісі. Өлеңдерін оқып отырып, оның тек «етігімен су кешкен» ер азаматқа тән патриоттық рухпен жырлайтынын аңғарамыз.

Хан емессің қасқырсың  
Хас албасты басқырсың  
Достарың келіп табалап  
Дүшпаның сені басқа ұрын  
Хан емессің, ылансың  
Кара шұбар жылансың  
Хан емессің, аянсың  
Айыр құйрық шаянсың /4, 90/,

деп Жәңгірдің бетіне басуы, оның муқалмас жанының ацы кегі секілді. Дүшпандарының

қолынан қаза тапса да «жанын», «арын» таптатпаған асылдығын аңғарамыз. Оның қай жырын алсақ та ақынның «мені» тек бостандықты, әділетті қогамды аңсап өткендігін көруге болады. Ал Байронды біз тікелей түпнұсқадан емес, аудармадан оқығандықтан оның өлеңдерінің біздің ұлттық болмыс, қазақы сөзбен әрленгенін байқаймыз.

Көңілім менің қаранғы. Бол, бол ақын!  
Алтынды домбыраңмен келші жақын  
Ішек бойлап он саусақ жоргаласа  
Бейістің үні шығар қоңыр салқын.  
Егер сорым түбімен әкетпесе  
Керек кой қонілді үміт тебірентсе  
Қатып қалған қозімде бір тамшы жас  
Төгілмей ме, бой жылып, ол да ерісе? /2, 13/,

деуі айтқандай дүмбіlez ағылшын ақсүйектерінің қоғамынан әлдекайда биік ойлайтын жанының қалтарысы жақсы ашылған.

Екеуі екі қоғамда өмір сүрсе де олардың жырларындағы соғыс, бостандық, рух секілді ортақ мәселелердің болуы оларды жақындастыра түседі. Махамбет те, Байрон да азаттықтың, азаматтықтың, адамгершіліктің жыршылары. Олардың ақындық «мені» тек жеке басы емес, адамзаттың арман-мұратын ансаудан тұған, соны саналы түрде жырлаған деуге болады.

Мақатаев М. Құнделік. – Алматы: Жалын, 1991.

2 Жирилинский В.М. Сравнительное литературоведение. – Ленинград: Наука, 1979.

3 Аманшин Б. Махамбеттің тағдыры. Махамбет. – Алматы: Жазушы, 2002.

4 Луначарский Байрон. Текіз көкжалы. – Алматы: Жалын, 1997.

5 Өтемісұлы М. Өлеңдер. – Алматы: Жазушы, 2002.

6 Байрон Д.Г. Таңдамалы шыгармалары. – ҚМКӘБ. – Алматы, 1960.

\*\*\*

В статье проводится сопоставительное изучение творчества Махамбета и английского поэта Дж.Г. Байрона. Выявляются общие мотивы их произведения и особенности воплощения поэтического «я». Раскрывается общность тем, идеи творчества данных поэтов.

## М. Мамедова

### ПРОБЛЕМА ГЕРОЯ В ДРАМАТИУРГИИ И. ЭФЕНДИЕВА (в контексте художественного отражения естественной сущности человека)

Видный азербайджанский драматург Ильяс Эфендиев прошел богатый творческий путь. Он своими пьесами, число которых превышает двадцать пьес, сформировал «Театр Ильяс

Эфендиева». Талантливый художник принес в азербайджанскую драматургию новый дух, новое дыхание. Он является тем мастером слова, который сформировал лирико-психологи-